

Programa ti Emerhensia a Pangsarany

(Emergency Relief Program, ERP)

Baddang ti Pannakapulang manipud ti Didigra para kadagiti Agpatpatuad ti Produkto ken Naisingsingayan a Mula

Konteksto

Idi Septiembre 30, 2021, pinirmaan ni Presidente Biden kas linteg ti Extending Government Funding and Delivering Emergency Assistance Act (P.L. 117-43), a karaman iti daya ti \$10 a billion a tulong kadagiti agpatpataud kadagiti produkto ti agrikultura a naapektaran iti uram, tikag, bagyo, napigsa nga angin iti winter, ken dadduma a didigra a napasamak kabayatan ti tawen 2020 ken 2021. Ti Ahensia ti Serbisio iti Talun (Farm Service Agency, FSA) ket nagbayad met kadagiti makinkukua iti rantso a naapektaran iti tikag ken uram kabayatan ti damo a paset ti Programa ti Emerhensia a Pangsarany iti Panagtaraken ti Dinguen (Emergency Livestock Relief Program, ELRP). Ti ERP ket sabali pay a pangsarany a linaon ti Act.

Pakabukal

Masakupan ti ERP dagiti nadadael a mula, kaykayo, babasit a tarikayo ken lanut a gapu kadagiti kadawyan a didigra a napasamak iti tawen 2020 ken 2021. Para kadagiti naapektaran nga agpatpatuad, ti FSA ti mangasikaso iti emerhensia a pangsarany tapno masulnitan dagiti agpatpatuad ti mula ken dagiti naisingsingayan a mula babaen ti sumaganad a dua ti pasetna a proseso:

- Usaren ti Paset 1 ti agdama a Federal a Seguro iti Mula wenno Programa ti Baddang iti Didigra Para ti Awanan Seguro a Mula (Noninsured Crop Disaster Assistance Program, NAP) a datos kas pagbasaran tapno makuenta dagiti damo a maited a bayad.
- Nairanta ti Paset 2 a mangpunno kadagiti kurang a kanayonan a saranay ken sakupenna dagiti kualipikado nga agpatpatuad a saan a nakiraman iti agdama a programa mainaig iti panangimanehar kadagiti peggad.

Daytoy dua ti pasetna a panangtulong ket pagbalinenna ti USDA a mangpabirtud ti proseso ti aplikasion ket maksayan ti dadagsen kadagiti agpatpatuad, siaaktibo a ramanenna dagiti agpatpatuad a saan a natulongan iti naglabas a panangsaranay ken kombinsirena ti pannakiraman kadagiti maar-aramid a programa a panangimanehar kadagiti peggad a makatulong kadagiti pagpatpatuad a mangsango kadagiti nakaro a kasasaad ti tiempo iti masanguanan.

Pannakaikari - Paset 1

Dagiti karaman a mula ket ramanenna ti amin a mula a masakupan ti federal a seguro iti mula wenno NAP ken ti seguro dagiti protektado a mula wenno no sadino a naawat ti bayad ti NAP, malaksid kadagiti mula a nairanta a maarab. Dagiti karaman a kadawyan a didigra ket ramanenna ti uram, bagyo, layus, sapsap a napigsa nga angin, nakaro a pudot, napigsa nga angin iti winter, panagyelo (agraman iti apolar vortex), pannakaisarang iti asuk, nakaro nga agneb, karaman a tikag, ken dagiti nainaig a kondision.

Tapno mairaman iti ERP, “dagiti nainaig a kondision” ket makadadael a klima ken nakaro a kadawyan a pasamak a napasamak a naggigiddan ken kas direkta a mangdadael iti espesipiko a nairaman a didigra.

Ramanen daytoy ti:

- Nakaro nga angin a napasamak kas direkta a resulta ti sapsap a mangdadael nga angin;
- Pitak ken rugit a napasamak kas direkta a resulta ti layus;
- Nakaro nga angin, allon gapu iti angin, alipugpog, tropikal a bagyo, ken tropikal a depresion a napasamak kas direkta a resulta ti bagyo; ken
- Nakaro nga angin ken alipugpog napasamak kas direkta a resulta ti bagyo iti winter.

Para iti tikag, ti ERP a pangsarany ket magun-odan no aniaman a lugar iti intero a pagilian a nakapasamakan ti pukaw ket ibilang ti U.S. Drought Monitor nga addaan iti kakaro ti tikag a:

- D2 (nakaro a tikag) iti walo nga agsasarunno a lawas; wenno
- D3 (nakaro unay a tikag) wenno nangatngato a lebel ti kakaro ti tiag.

Listaan iti 2020 ken 2021 kadagiti natikag a county a kualipikado iti ERP a maala iti emerhensia a a pangsarany a website.



Para ti Ad-adu nga Impormasion

Ti kanayonan nga impormasion maipapan iti USDA a pangsarany para iti didigra ket masarakan iti farmers.gov, ti **Baddang Para iti Didigra Discovery Tool, Disaster-at-a-Glance listaan ti impormasion**, ken **Talun Utang Nasukog Alikamen**.

Para iti FSA ken dagiti Programa ti Serbisio Ti Kadawyan a Panangsalaknib kadagiti Pammataudan, masapul a kontaken dagiti agpatpatuad ti lokal a **USDA Service Center**. Para iti tulong iti panangala iti seguro ti mula, masapul a kontaken dagiti agpatpatuad ken makinkukua iti daga ti **ahente ti seguro iti mula da**.



No Kasano ti Agaplay – Paset 1

Tapno mapasimple ti pannakaipaay ti ERP Paset 1 a benepisio; ti FSA ket ipatulodna dagiti napunnuanen porma iti aplikasion kadagiti agpatpatuad a ti seguro ti mulana ken datos ti NAP ket naipilan gapu ta naawatdan ti seguro dagiti protektado a mula wenno bayad ti NAP. Ramanen daytoy a porma dagiti kalikaguman tapno makualipikar, mangiyanninaw ti proseso iti aplikasion, ken ipaayna ti impormasion ti bayad ti ERP. Makaawat dagiti agpatpatuad iti naisina a porma iti aplikasion para iti tunggal tawen ti progrma. Ti pannakaawat iti napunnuan nga aplikasion ket saan a komfirmasion a ti agpatpatuad ket kualipikado nga umawat iti ERP Paset 1 a bayad. Kasapulan nga isubli dagiti agpatpatuad a kompleto ken napirmaan ti ERP Paset 1 nga aplikasion iti lokal nga opisina ti FSA county.

Masapul met nga addaan dagiti agpatpatuad kadagiti sumaganad a porma a naipila iti FSA iti uneg ti nayanunsio a plaso kas ikeddeng ti Deputy Administrator para kadagiti Programa ti Talun:

- Form AD-2047, Customer Data Worksheet
- Form CCC-902, Farm Operating Plan para iti maysa nga individual wenno legal nga entidad
- Form CCC-901, Member Information for Legal Entities (no agaplikar)
- Panangprotektar iti daga a nangato ti posibilidadna a margaay (no dadduma maawagan a kas HELC) ken panangprotektar kadagiti nadanum a dagdaga a sertipikasion (Form AD-1026 Highly Erodible Land Conservation (HELC) ken Wetland Conservation (WC) Certification) pata iti ERP nga agpatpatuad ken agaplikar a pasilidad.

Kaaduan nga agpatpatuad, nangruna kadagidiay nakiraman iti naglabas iti FSA a programa ket posible a maaddaan kadagitoy naipila a porma. Nupay kasta, dagidiay saan a sigurado wenno saan a mayat a mangkomfirmar ket masapul a kontakenda ti ti **lokal nga opisina ti FSA county**.

Kas kanayonan kadagiti porma a nilista iti ngato, adda dagiti agpatpatuad a kasapulan met nga agisubmitir iti sumaganad a porma tapno makualipikar iti nangatngato a limitasion ti bayad wenno gatad ti bayad.

- Form FSA-510, Kiddaw a Mailaksid iti \$125,000 a Limitasion ti Bayad para iti Dadduma a Programa.
- Form CCC-860, Sertipikasion para kadagiti Nakurapay, Limitado ti Pammataudanna, Mangrurugi ken Beterano a Mannalon wenno Addaan ti Sertipikasion iti Agranrantso, para iti maitutop a tawen ti programa.

No Kasano a Makuenta Dagiti Bayad – Paset 1

Ti ERP Paset 1 a bayad para kadagiti mula a masakupan ti seguro iti mula ket makuenta iti 75 a porsiento tapno masigurado a ti pakadagupan ti ERP a bayad, agraman ti bayad iti ERP Paset 2, ket saan a lumabes iti agdama a pondo. Ti ERP Paset 1 a bayad para kadagiti nasakup ti NAP a mula ket saan a prorated gapu iti bassit unay a NAP portfolio a gagangay laeng a sakupenna ti bassit a dagdaga ken dagiti naisingsingayan a mula a saan a sakupen ti seguro iti mula.

Ti RMA ken FSA ket kuentaenda ti ERP Paset 1 a bayad naibasar iti datos nga adda iti file dagiti ahensia iti tiempo ti panangkuenta.



Ti panangkuenta iti bayad ti ERP Paset 1 para iti mula ken no mano ket agdepende iti kita ken lebel ti masakupan nga innala ti agpatpatuad. Ti RMA ken FSA ti mangkuenta iti tunggal pukaw ti agpatpatuad a maitunos a proseso iti ukaw para iti kita ti masakupan a nagatang ngem babaen ti panangusar iti ERP factor kas kasukat ti lebel ti masakupan. Daytoy a nakuenta a gatad ket mabaliwan babaen ti panangkissay iti pakagupgopan a seguro dagiti protektado a mula wenno bayad ti NAP, a katupag ti pakagupgopan ti dagup a seguro dagiti protektado a mula iti agpatpatuad wenno bayad ti NAP a naawaten para kadagiti pukaw sa maikissay dagiti bayad ti serbisio ken premium.

ERP Factor Tables

Ti ERP factor tables ket masarakan iti baba ken kasta met iti ti [emerhensia relief website](#):

Crop Insurance Level	ERP Factor (Percent)
Katastropiko a masakup	75
Nasursurok ngem iti katastropiko a masakupan ngem nababbaba ngem 55 a porsiento	80
Saan a nababbaba ngem 55 a porsiento ngem nababbaba ngem 60 a porsiento	82.5
Saan a nababbaba ngem 60 a porsiento ngem nababbaba ngem 65 a porsiento	85
Saan a nababbaba ngem 65 a porsiento ngem nababbaba ngem 70 a porsiento	87.5
Saan a nababbaba ngem 70 a porsiento ngem nababbaba ngem 75 a porsiento	90
Saan a nababbaba ngem 75 a porsiento ngem nababbaba ngem 80 a porsiento	92.5
Saan a nababbaba ngem 80 a porsiento	95

Lebel ti Masakupan iti NAP	ERP Factor (Porsiento)
Katastropiko a masakup	75
50 porsiento	80
55 porsiento	85
60 porsiento	90
65 porsiento	95

Gapu ta ti kadakkel ti pukaw gapu kadagiti karaman a didigra kadagiti tawtawen 2020 ken 2021 ket saan a maisina iti kadakkel ti pukaw gapu iti dadduma a rason ti pukaw kas depinaren ti agaplikar a seguro iti mula wenno polisiya ti NAP ti Paset 1 a bayad ket makuanta naibatay iti pukaw ti agpatpatuad gapu iti amin a karaman a pakaigapuan ti pukaw.

Sigud a Saan a Maipapaayan nga Agpatpatuad

Ti porsiento ti ERP a bayad para kadagiti sigud a saan a maipapaayan nga agpatpatuad, agraman dagiti agdadamo, limitado ti pammataudanna, nakurapay ken beterano a mannalon ken agranrantso ket ngumato iti 15% iti nakuenta a bayad. Tapno makulaipikar iti nangatngato a porsiento ti bayad, dagiti kualipikado nga agpatpatuad ket masapul nga addaan iti CCC-860, Nakurapay, Limitado ti Pammataudanna, Agdadamo ken Beterano a Mannalon wenno Sertipikasion ti Agranrantso, porma nga adda iti file iti FSA para iti agaplikar a tawen ti programa.

Nabaliwan a Limitasion ti Bayad Pakagupgopan ti Masapulan

Ti limitasion ti bayad para iti ERP Paset 1 ket maammuan babaen ti panangikeddeng iti average adjusted gross a masapulan iti panagtalon ti tao wenno entidad (masapulan manipud kadagiti aktibidad a nainaig iti panagtalon, rantso, wenno panagmula kadagiti kayakoy). Ti tao wenno entidad, malaksid iti joint venture wenno general partnership, ket saan nga umawat, direkta man wenno saan, iti nasursurok ngem \$125,000 a bayad para kadagiti naisingsingayan a mula ken \$125,000 a bayad iti amin a dadduma a mula a sakupen ti ERP (para iti napagtipon a Paset 1 ken Paset 2) para iti tawen programa no ti average nga adjusted gross (AGI) a masapulan ti talon ket nababbaba ngem 75 a porsiento gem iti average AGI iti tallo a nabuisan a tawen sakbay ti kaasitgan a nalabas a kompleto a tawen ti buis.



No saan a nababbaba ngem 75% ti tao wenno legal nga entidad ti average AGI ket agtaud iti panagtalon, rantso, wenno aktibidad a konektado iti panagmula iti kayakoy ken ti partisipante ket ipaayna dagiti makalikaguman a sertipikasion ken dokumentasion, kas nailawlawag iti baba, ti tao wenno legal nga entidad, malaksid iti joint venture wenno general partnership, ket kualipikado nga umawat iti, direkta man wenno saan, iti agingga iti:

- \$900,000 para iti tunggal tawen ti programa para kadagiti naisingsingayan a mula; ken
- \$250,000 para iti tunggal tawen ti programa para iti amin a dadduma a mula

Ti karaman a tawtawen ti buis tapno maipasdek ti AGI ti agpatpatuad ken porsiento manipud iti panagtalon, rantso ken aktibidad a manaig iti panagmula iti kayakoy ket:

- 2016, 2017, ken 2018 para iti tawen ti programa a 2020;
- 2017, 2018, ken 2019 para iti tawen ti programa a 2021; ken
- 2018, 2019, ken 2020 para iti tawen ti programa a 2022

Tapno agkiddaw iti ngimmato a limitasion ti bayad, dagiti partisipante ket masapul nga agipila iti porma nga FSA-510 a nakompleto kadagiti sertipikasion ti ti average adjusted gross a sapul iti talun ti partisipante ket saan a bumaba iti 75% iti average AGI ken ti sertipikasion manipud iti Lisensiado ken Sertipikado a Public Accountant (CPA) wenno Abogado a ti partisipante adda amin kenkuana amin a maikalikaguman. Tapno adadu pay ti maammuan, bisitaem ti [Bayad Pannakakualipikar ken Limitasion ti Bayad](#) a website

Masanguanan a Masakupan iti Seguro Dagiti Maikalikaguman

Amin nga agpatpatuad nga umwat iti ERP Paset 1 a bayad, agraman dagidiay umawat iti bayad naibatay iti kayo, babassit a kayo wenno dagiti lanut a polisiya ti seguro iti mula, ket makalikaguman a gumatang iti seguro iti mula, wenno masakupan iti NAP kadagiti lugar nga awan ti seguro, para iti sumaruno a dua tawen ti panagmumula, kas inkeddeng ti Sekretaria. Dagiti partisipante ket kasapulan nga agala iti seguro iti mula wenno NAP, kas posible nga agaplikar:

- Iti lebel ti masakupan a kapada wenno nangatngato ngem 60% para kadagitimula mabalin iti seguro; wenno
- Iti katastropiko a lebel wenno nangatngato para kadagiti mula a NAP

Dagiti maikalikaguman iti masakupan ket maikeddeng manipud iti petsa a ti agpatpatuad ket umawat iti ERP a bayad ken mabalin nga agbaliw depende iti tiempo ken kaadda ti seguro iti mula wenno NAP para iti partikular a mula ti agpatpatuad. Ti maudi a tawen ti panagmula tapno gumatang iti seguro iti mula wenno masakupan ti NAP tapno madanon ti maikadua a tawen ti masakupan para iti daytoy a makalikaguman ket ti 2026 a tawen ti pnamula.

Emerhensia a Panangsaranay – Paset 2 (Dagiti Agpatpatuad ti Mula ken Dinguen)

Ti maikadua a paset iti agpada ti mula (ERP) ken dinguen (ELRP) a programa ket mangpunno kadagiti pagkurangan ken sakupenna dagiti agpatpatuad a saan a nakipartisipar wenno immawat iti bayad babaen ti agdama a programa a maipatpatungpal para iti Paset 1 nga implementasion. Amin nga impormasion ti ERP ken reperensia ket mapabaro iti website ti emerhensia a panangsaranay inton addanton ti polisiya ken probision ti Paset 2.